

衢州文獻集成

〔經部〕

第
14
冊

衢州文獻集成

黃靈庚 諸葛慧艷

主編

〔經部〕

第
14
冊

國家圖書館出版社

第一四冊目錄

麟寶六十三卷(卷五十二至六十三)

(明)余敷中撰
明萬曆刻本

一

六經正誤六卷

(宋)毛居正撰
元刻本

二九九

麟寶卷之五十二

余敷中輯

定公一

公名宋襄公庶子昭公第夫人定姒何
休以定公爲昭公之子在位十五年謚
法安民大慮曰定

元年春王

〔公〕定何以無正月正月者正卽位也定無正月者
卽位後也卽位何以後昭公在外得入不得入未
可知也曷爲未可知在季氏也定哀多微辭主人

習其讀而問其傳則未知已之有罪焉爾

駟不言正則定無正也定之無正何也昭公之終非正終也定之始非正始也昭無正終故定無正始不言卽位喪在外也

三月晉人執宋仲幾于京師

左晉魏舒合諸侯之大夫于狄泉將以城成周魏子泄政衛處侯曰將建天子而易位以令非義也大事奸義必有大咎晉不失諸侯魏子其不免乎是行也魏獻子屬役於韓簡子及原壽過而曰於大陸焚焉還卒於寧范獻子去其柏棹以爲

處必留反

之欲反
之欲反
之欲反
之欲反

反
代反

反
皮相
是反

命而田也孟懿子會城成周庚寅裁宋仲幾不受
功曰滕薛卽吾役也薛宰曰宋爲無道絕我小國
於周以我適楚故我常從宋晉文公爲踐土之盟
曰凡我同盟各復舊職若從踐土若從宋亦唯命
仲幾曰踐土固然薛宰曰薛之皇祖奚仲居薛以
爲夏車正奚仲遷于邳仲虺居薛以爲湯左相若
復舊職將承王官何故以役諸侯仲幾曰三代各
異物薛焉得有舊爲宋役亦其職也士彌牟曰晉
之從政者新子姑受功歸吾視諸故府仲幾曰縱
子忘之山川鬼神其忘諸乎士伯怒謂韓簡子曰

女音沙

莫直良
反

薛徵於人宋徵於鬼宋罪大矣且已無辭而抑我以神誣我也啟寵納侮其此之謂矣必以仲幾爲戮乃執仲幾以歸三月歸諸京師城三旬而畢乃歸諸侯之戍齊高張後不從諸侯晉女叔寬曰周莫弘齊高張皆將不免莫叔違天高子違人天之所壞不可支也衆之所爲不可好也

公仲幾之罪何不蓐城也其言于京師何伯討也伯討則其稱人何貶曷爲貶不與大夫專執也曷爲不與實與而文不與文曷爲不與大夫之義不得專執也

取取

反

中丁仲

得見形
同反下
用反

穀此其大夫其曰人何也微之也何爲微之不正其執人於尊者之所也不與大夫之伯討也

夏六月癸亥公之喪至自乾侯戊辰公卽位

左叔孫成子逆公之喪于乾侯季孫曰子家子亟言於我未嘗不中吾志也吾欲與之從政子必止之且聽命焉子家子不見叔孫易幾而哭叔孫請見子家子子家子辭曰羈未得見而從君以出君不命而薨羈不敢見叔孫使告之曰公衍公爲實使羣臣不得事君若公子宋主社稷則羣臣之願也凡從君出而可以入者將唯子是聽子家氏未

友 半失又

反 音懷 匪徒回

有後季孫願與子從政此皆季孫之願也使不敢
以告對曰若立君則有卿士大夫與守龜在羈弗
敢知若從君者則貌而出者人可也冠而出者行
可也若羈也則君知其出也而未知其冠也羈將
逝也喪及壞墮公子宋先入從公者皆曰壞墮反
六月癸亥公之喪至自乾侯戊辰公卽位

公癸亥公之喪至自乾侯則曷爲以戊辰之日然
後卽位正棺於兩楹之間然後卽位子沈子曰定
君乎國然後卽位卽位不日此何以目錄乎內也
穀殯然後卽位也定無正見無以正也踰年不言

卽位是有故公也言卽位是無故公也卽位受授

之道也先君無正終則後君無正始也

先君有正終則後君

有正始也戊辰公卽位謹之也定之卽位不可不察也公卽位何以日

也戊辰之日然後卽位也亥公之喪至自乾侯何

爲戊辰之日然後卽位也正君乎國然後卽位也

沈子曰正棺乎兩楹之間然後卽位也內之大事

日卽位君之大事也其不日何也以年決者不以

日決也此則其日何也著之也何著焉踰年卽位

厲也於厲之中又有義焉未殯雖有天子之命猶

不敢況臨諸臣乎周人有喪魯人有喪周人弔魯

人不弔周人曰固吾臣也使人可也魯人曰吾君也親之者也使大夫則不可也故周人弔魯人不弔以其下成康爲未久也君至尊也去父之殯而往弔猶不敢況未殯而臨諸臣乎

秋七月癸巳葬我君昭公

左季孫使役如闕公氏將溝焉榮駕鸞曰生不能事死又離之以自旌也縱子忍之後必貳耻之乃止季孫問於榮駕鸞曰吾欲爲君謚使子孫知之對曰生弗能事死又惡之以自信也將焉用之乃止秋七月癸巳葬昭公于墓道南孔子之爲司寇

也溝而合諸墓

九月大雩

穀雩月雩之正也秋大雩非正也冬大雩非正也
秋大雩雩之爲非正何也毛澤未盡人力未竭未
可以雩也雩月雩之正也月之爲雩之正何也其
時窮人力盡然後雩雩之正也何謂其時窮人力
盡是月不雨則無及矣是年不艾則無食矣是謂
其時窮人力盡也雩之必待其時窮人力盡何也
雩者爲旱求者也求者請也古之人重請何重乎
請人之所以爲人者讓也請道去讓也則是舍其

艾魚反

言以之
反

所以爲人也是以重之焉請哉請乎應上公古之神人有應上公者通乎陰陽君親帥諸大夫道之而以請焉夫請者非可詒託而往也必親之者也是以重之

立煬公

煬羊讓反

左昭公出故季平子禱于煬公九月立煬宮

隕霜殺菽

穀未可以殺而殺舉重可殺而不殺舉輕其曰穀舉重也

二年春王正月

夏五月壬辰雉門及兩觀災

觀工喚反

公其言雉門及兩觀災何兩觀微也然則曷爲不言雉門災及兩觀主災者兩觀也主災者兩觀則曷爲後言之不以微及大也何以書記災也

穀其不曰雉門災及兩觀何也災自兩觀始也不以尊者親災也先言雉門尊尊也

秋楚人伐吳

左桐叛楚吳子使舒鳩氏誘楚人曰以師臨我我伐桐爲我使之無忌秋楚薳罷伐吳師于豫章吳人見舟于豫章而潛師于巢冬十月吳軍楚師于

爲于何
反
見賈逵

豫章敗之遂圍巢克之獲楚公子繁

冬十月新作雉門及兩觀

公其言新作之何修大也修舊不書此何以書譏何譏爾不務乎公室也

穀言新有舊也作爲也有加其度也此不正其以尊者親之何也雖不正也於美猶可也

三年春王正月公如晉至河乃復

二月辛卯邾子穿卒

左邾莊公與夷射姑飲酒私出闔乞肉焉奪之杖以敲之春二月辛卯邾子在門臺臨廷闔以鋤水

先悉萬
反

沃廷邾子望見之怒闢曰夷射姑旋焉命執之弗得茲怒自投于牀廢于鑪炭爛遂卒先葬以車五乘殉五人莊公卞急而好潔故及是

夏四月

秋葬邾莊公

〔左〕鮮虞人敗晉師于平中獲晉觀虎恃其勇也

冬仲孫何忌及邾子盟于拔

拔皮
八反

〔左〕盟于邾修邾好也

〔左〕蔡昭侯爲兩佩與兩裘以如楚獻一佩一裘於昭王昭王服之以享蔡侯蔡侯亦服其一子常欲

記才用
及下同
飲去聲

相去
決音扶

之弗與三年止之唐成公如楚有兩肅爽馬子常
欲之弗與亦三年止之唐人或相與謀請代先從
者許之飲先從者酒醉之竊馬而獻之子常子常
歸唐侯自拘於司敗曰君以弄馬之故隱君身棄
國家羣臣請相夫人以償馬必如之唐侯曰寡人
之過也二三子無辱皆賞之蔡人聞之固請而獻
佩子子常子常朝見蔡侯之徒命有司曰蔡君之
父也官不共也明日禮不畢將死蔡侯歸及漢執
玉而沈曰余所有濟漢而南者有若大川蔡侯如
晉以其子元與其大夫之子爲質焉而請伐楚